

胤產全書

胤產全書序

世之什襲而藏者金玉玩好
已耳稍有關於世則烏得什
襲而藏之闕於世者兵農錢
穀重莫與醫埒也老人弱子

又莫若妊婦重也蓋人之身
一而妊婦之身二方兒爲胚
胎性精血而身母腹母寒熱
爲兒寒熱母虛實爲兒虛實
醫於此可少忽乎顧幃幙中

弗知檢也予痛恨甚焉居無
何侄遠文婦一如室人之誤
而弗知救一月之間里婦相
次殞者三四噫是予過也衣
珠而弗之省也過金壇懷之

編相與咨嗟永夜爲出所藏
付之訂梓噫古今怵惕惻隱
之心能於嬰兒者其於兒之
始基更何如乎証類若干條
方採若干首妊家胎產前後

胤產全書序

予昔在括蒼其府庫多奇書
守茲土者雲間新宇俞公館
穀不佞得盡閱焉於岐黃別
笥有產便數種子請携歸間

以試之室人無弗効也試之
親故無弗効也叩之業是又
弗有知也欲梓之以廣其傳
計僭上春官弗逮而室人重
身竟殞於產中過聽庸醫家

乍佩宜男而輒先露草者且
比比然豈妊家固有專門治
驗未多靈劑耶予每慨於斯
一日張孝廉心如過予燒燭
檢書閱數十笥獨胤產無成

以質宇泰王公并得王公手

錄遠文梓之名曰胤產全書

談者乃俊曰是書也成可以

贊天地之化育予何敢遠文

亦何敢第吾兩人均傷弓之

鳥覩傷弓者不覺故瘡痛如
宋人得不龜手之藥因欲盡
愈夫水戰者耳不敢望封爵
其敢擬天工先哲謂一介之
士苟存心於利物必有所濟

吾兩人任斯語已矣若夫雲
間俞公之授是書金壇王公
之叅是書功德不可思議者
也今而後家置一冊乃可

海陽張受孔題

胤產全書凡例

一是編字泰先生考古証今耳聞目覩彙集手錄非
蠡測所能及者

一是編端以胤嗣調經并胎前產後致有雜症在所
不錄

一首列提綱內分四卷便於尋閱

一男婦嗣艱非所乘素弱卽斷喪太早故首以男子
聚精次以婦人調經爲胤嗣之本

一男女交媾受胎各有其時有過時有不及時雖終

身由之而不知其時者衆也今備婦人翕受之時
於左以開發育之端

一每一症具一論於先令知受病之源按方圖治萬
不失一

一湯藥丸散與外治之法悉經効驗無得增減與其
授命庸常孰若循此醫案

一胎前產後症雖同而用藥殊異故前後一病二類
及方中兼治之劑閱者辨焉幸毋輕忽

一方內藥味逐一對症較其溫涼時令所宜更無訛

烈峻利取効一時遺患後日者

一婦人懷孕飲食起居一應動作具載錄中以便遷避

一編內分九十餘類具三百症其中變症人未見聞細細詳贅

一是編欲其家習戶曉廣嗣育生不事繁縟不綴餘文令易知也

胤產全書卷一

金壇

王肯堂字泰父纂著

海陽

張受孔心如父叅定

海陽

姚學顏伯愚父校閱

求子類

胡氏曰男女交姤其所以凝結而成胎者雖不離乎精血猶爲後天滓質之物而一點先天真一之靈氣萌於情欲之感者妙合於其間朱子所謂稟於有形之初而不能不粹養於真斲之後故醫之

上工語男則以精言語女則以血言著方立論男以聚精爲要女以調經爲先而又叅之補氣行氣之說察其脉絡究其虧盈而治之然後一舉可孕天下之男無不父女無不母矣

男子聚精

袁了凡先生云聚精之道一曰寡慾二曰節勞三曰息怒四曰戒酒五曰慎味今之談養生者多言採陰補陽久戰不泄此爲大謬腎爲精之府凡男女交接必擾其腎腎動則精血隨之而流外雖不

泄精已離宮未能堅忍者亦必有真精數點隨陽之痿而溢出此其驗也如火之有煙豈有復反於薪者哉是故貴寡慾精成於血不獨房室之交損吾之精凡日用損血之事皆當深戒如目勞於視則血以視耗耳勞於聽則血以聽耗心勞於思則血以思耗吾隨事而節之則血得其養而與日俱積矣是以貴節勞主閉藏者腎也司疎泄者肝也二藏皆有相火而其系上屬於心心君火也怒則傷肝而相火動動則疎泄者用事而閉藏不得其

職雖不交合亦暗流而潛耗矣是故當息怒人身之血各歸其舍則常凝酒能動血人飲酒則面赤手足俱紅是擾其血而奔馳之血氣既衰之人數月無房事精始厚而可用然使一夜大醉精隨薄矣是故宜戒酒內經云精不足者補之以味然釀郁之味不能生精惟恬澹之味乃能補精耳蓋萬物皆有真味調和勝而真味衰矣不論腥素淡煮之得法自有一段冲和恬澹之氣益人腸胃洪範論味而曰稼穡作甘世得之味惟五穀得味之正

但能淡食穀味最能養精故曰慎味久而精聚神
全陽氣自勝一往而孕育且壽

葆真丸

專治九醜之疾言莖弱而不振振而不豐豐而不
循循而不實實而不堅堅而不久久而無精精而
無子謂之九醜之疾此藥補十二經絡起陰發陽
能令陽氣入胸安魂定魄開三焦積聚消五穀進
食強陰益子精安五臟除心中伏熱強筋骨輕身
明目去冷除風無所不治此藥平補多服常服最

妙七十歲老人尚能育生非常之力治五勞七傷

無子嗣者

鹿角膠

半斤剉作豆大就用鹿角霜拌炒成珠研細

杜仲

去粗皮切碎用生薑汁一兩同蜜少許拌炒斷絲三兩

乾山藥

白茯苓去粗皮人乳拌炒晒乾九五次

熟地黃

各二兩

兔絲子

酒蒸搗碎

山茱萸

肉各兩半

北五味子

牛膝

去蘆川酒蒸

益智仁

去殼

遠志

泔水煮去骨

小茴香

青鹽三錢同炒

破故紙

川練子

去皮核取淨肉酥炙

川巴戟

酒浸去心已上各一兩

胡蘆巴

同故紙入羊腸
內煑焙乾一兩

栢子仁

去殼另研
如泥半兩

川山甲

酥炙

沉香

各三錢

全蝎

去頭足尾
一錢五分

右件各製度爲極細末以好嫩肉苳蓉四兩酒洗
淨去鱗甲皮垢開心如有黃白膜亦去之取淨二
兩好酒煮成膏同煉蜜和前藥末搗千餘下丸如
梧桐子大每服五十丸淡秋石湯溫酒任下以乾
物壓之漸加至百丸服七日四肢光澤唇臉赤色
手足溫和面口滋潤又能消食理脾輕身和氣語
言清亮是其効也

千金種子丹

此方服之令人多子并治虛損夢遺

白濁脫卸

沙苑蒺藜

取淨末四兩如蚕種同州者佳再以重羅羅二兩極細末二兩粗末用水

一大碗熬

蓮鬚

四兩極細末金色者固精紅色者敗精

膏同候

山茱萸

用鮮紅有肉者去核製極細末淨三兩

覆盆子

去核取細末二兩

鷄頭實

去殼取細末四兩

龍骨

五錢入砂鍋內煨通紅去火毒方用

右用伏蜜一斤煉淨滴水成珠止用四兩將前五

味重羅過先以蒺藜膏和作一塊再入煉蜜石白

內搗千餘下丸如豌豆大每服三十丸空心鹽湯

迷下忌慾事二十日此藥延年益壽多子不盡述

聚精丸 填實精髓助陰扶陽而神妙

黃魚鰾膠

白淨者一斤另碎用蛤粉炒成珠以無聲爲度

沙苑蒺藜

入西馬乳浸二宿隔湯蒸一晝夜取起焙乾

右爲末煉蜜丸如梧子大每服八十丸空心溫酒

白湯任下忌食魚及牛肉

五子衍宗丸 男服此藥添精補髓該利腎氣不問

下焦虛實寒熱服之自能平和古今種子秘方

井州枸杞子

兔絲子

酒蒸搗成餅各八兩

遼五味子

一兩

覆盆子

四兩酒洗去目

車前子

炒二兩

共為細末煉蜜丸如梧桐子大每服空心九十九

上牀時五十丸白沸湯或塩湯送下冬月用溫酒

送下修合日春取丙丁巳午夏取戊己辰戌丑未

秋取壬癸亥子冬取甲乙寅卯忌師尼鰥寡之人

及鷄犬六畜見之

十子丸 四明沈嘉則無子七十外服之連舉子

槐用子

和何首烏蒸七次

覆盆子

枸杞子

去枯者及蒂

桑椹子

冬青子

四味共蒸各四兩

兔絲子

去殼酒蒸

栢子仁

酒浸

沒石子

照雷公製

蛇床子

蒸

北五味子

去枯打碎蜜蒸已上各二兩

右爲末煉蜜丸如栢桐子大每服五六十丸淡塩湯下乾點心壓之

調經類

經候總論

岐伯曰女子七歲腎氣盛齒更髮長二七而天癸至任脉通太衝脉盛月事以時下天謂天真之氣癸謂壬癸之水壬爲陽水配丁而化木癸爲陰水

合戊而化火故曰水火者陰陽之徵兆也女子陰
類故得癸焉衝爲血海任主胞胎二脉流通經血
漸盈應時而下天真氣降與之從事故曰天癸也
常以三旬一見以象月盈則虧不失其期又名月
信也若遇經行最宜謹慎否則與產後証相類若
被驚恐勞役則血氣錯亂經脉不行多致癆瘵等
疾若逆於頭面肢體之間則重痛不寧若怒氣傷
肝則頭暈脇痛嘔血而源癰癰瘍若經血內滲則
竅穴淋瀝無已凡此六淫外侵而變證百出犯時

微若秋毫成患重如山岳奚望其嗣哉且夫血者
水穀之精氣也和調五臟滌陳六腑在男子則化
爲精在婦人上爲乳汁下爲血海故雖心主血肝
藏血亦皆統攝於脾補脾和胃血自生矣凡經行
之禁禁用苦寒辛散之藥飲食亦然凡婦人月水
不調由風邪乘虛客於胞中而傷衝任之脉心脾
平和則經候如常七情內傷六淫外侵飲食失節
起居失宜脾胃虛損心火妄動則月經不調矣蓋
血生於脾土而實統攝之故凡血病當用苦甘之

劑以助陽氣而生陰血又經水者陰血也陰必從陽故其色紅稟火色也血爲氣之配氣熱則熱氣寒則寒氣升則升氣降則降氣凝則凝氣滯則滯氣清則清氣濁則濁見有成塊者氣之凝也將行而痛者氣之滯也來復作痛者氣血俱虛也色淡者亦虛也而有水混之也錯經妄行者氣之亂也紫者氣之熱也黑者熱之甚也今人但見紫者黑者作痛者成塊者率指爲風冷而行溫熱之劑則禍不旋踵矣若夫外邪冷症初感入經必痛或不

痛者久則鬱而變熱矣且寒則凝既行而紫黑者
故非寒也故用藥當審其虛實寒熱而調血卽兼
調氣治無不愈如虛中有熱月事不來四物湯加
芩常過期者血少也以芩歸參朮與痰藥過期紫
黑有塊作痛血熱也以四物湯加香附黃連過期
色淡挾痰者二陳湯加芩歸紫黑色成塊者熱極
也四物湯加黃連常不及期者血熱血滯也四物
湯加芩連香附臨經將來作痛者四物湯加桃仁
香附黃連血枯四物湯加紅花桃仁痰多古住血

四味

海地位因而下多者目必漸昏肥人有之以南星
蒼朮川芎香附作丸服之肥人軀脂滿經閉者導
痰湯加芎歸連不可服地黃蓋泥腸故也如用之
以姜汁炒肥人子必亦由痰多脂膜閉塞子宮不
能受入陽精而施化也宜服前藥瘦人子宮無血
精氣不聚可用四物湯養血養陰等藥

調經散 月候不調或前或後服此調經成孕

川當歸

酒洗

麥門冬

去心二兩半

吳茱萸

去閉

目沸湯

人參

半夏

一兩湯泡七次

七次

白芍藥

一兩

川芎

一兩

牡丹皮

去心一兩

肉桂

一兩不見火

阿膠

炒成珠

甘草

各二兩

右咬咀每服三錢水一盞半生姜五片煎至八分

食前稍熱服之

審多少 婦人病多是月經乍多乍少或前或後將

發疼痛醫家不審一例呼爲經病不知陽勝陰陰

勝陽所以服藥無効蓋陰氣勝陽則包藏寒氣血

不運行經所謂天寒地凍水凝成冰故令乍少而

在月後若陽乘陰則血流散溢經所謂天暑地熱

經水沸溢故令乍多而在月前和血氣平陰陽

當歸飲 陽勝陰月候多者此抑陽助陰調理經脉

當歸

微炒

地黄

酒蒸焙

川芎

白朮

白芍藥

黃芩

各等分

每服三錢水一盞半煎八分空心溫服

七沸湯 陰勝陽月候少者治榮衛虛經水愆期或

多或少腹痛

當歸

川芎

白芍藥

蓬朮

熟地黄

川薑

木香

各等分

每服四錢水一盞半煎至八分溫服

紫石英丸 理其陰陽調其血氣使不相乘以平為

期妙甚

紫石英 細研水飛 川烏 炮 杜仲 炒去絲 禹餘糧

煅醋淬 遠志 去心 澤瀉 桑寄生 桂心

龍骨 別研 當歸 人參 肉苁蓉 酒浸 石斛

乾薑 炮 五味子 甘草 炙各一兩 牡蠣 煅

川椒 去目炒去汗各半兩

右為細末煉蜜丸如梧桐子大每服二十九食前

米飲湯下

四物芩朮湯

經水過多為虛熱為氣虛不能攝血

當歸

川芎

芍藥

地黃

黃芩

白朮

各等分

右水煎服

又經水過多為熱

乃陰挾熱所致當補陰清熱

黃芩

炒

芍藥

炒

龜板

炙各一兩

椿樹根皮

七錢半

黃柏

炒三錢

香附

二錢半

右為末酒糊為丸空心白湯下五六十丸

四物葵花湯 治經水澀少

當歸 地黃 川芎 芍藥 葵花

各一兩

一方加紅花血見愁煎服

又方 治經水少而血和

當歸 川芎 生地 熟地 芍藥

各一兩

先期後期 王子享曰經者常候也謂候其一身之陰陽愈伏知其安危故每月一至太過不及皆爲不調陽太過則先期而至陰不及則後時而來有年多少斷絕不行崩漏不止皆由陰陽盛衰所

致

先期湯

治經水先期而來宜涼血固經

生地

川歸

白芍藥

錢各二

黃栢

知母

錢各一

條芩

黃連

姜汁炒

川芎

阿膠

炒各八分

艾葉

香附

甘草

炙各七分

水二鍾煎一鍾食前溫服

一方加人參

五分

過期飲

治經水過期不行乃血虛氣滯法當補血

行氣

熟地黃

白芍藥

當歸

香附

錢各二

川芎錢一 紅花分七 桃仁泥分六 蓬莪茂

木通各五分 甘草 肉桂各四分

水二鍾煎一鍾食前溫服

又方 補血行氣

當歸半錢 川芎分五 熟地錢一 白芍錢一

桃仁二十箇 紅花分五 香附錢一 蓬朮錢一

甘草分五 蘇木錢一 木通分二 官桂分五

白水煎空心服

四物芩連丸 治經水如黑豆汁

當歸 地黃 川芎 芍藥 黃連

黃芩 各一兩

右為末醋糊丸服

溫經湯 和劑 治婦人血海虛冷月水不調

川芎 當歸 芍藥 蓬朮 各一錢五 人參

牛膝 各一錢 桂心 牡丹皮 各一錢 甘草 五分

水二鍾煎至一鍾不拘時服

滋血湯 治婦人血海久冷滋養榮血

當歸 一錢半 川芎 麥門冬 去心 牡丹皮

人參 芍藥 琥珀另研各錢 半夏 麴 官桂

阿膠炒 酸棗仁 甘草各五分

水二鍾生姜三片煎一鍾食前服

薑黃散 治血藏久冷月水不調臍腹刺痛

薑黃 白芍藥各二錢 玄胡索 牡丹皮

當歸各一錢半 蓬朮 紅花 桂心 川芎各一錢

右作一帖水一鍾酒半鍾煎一鍾不拘時服

秦艽丸 治婦人極寒者

秦艽 桂心不見火 杜仲姜汁炒斷絲 厚朴各三錢

乾姜

炮

沙參

牛膝

酒浸

半夏

湯泡各五錢

生附子

去皮

白茯苓

一兩五錢

人參

一兩

細辛

一兩五錢

右為末煉蜜為丸菉豆大空心醋湯米飲任下五

十九覺有孕即止無夫之婦不可服以其太熱也

卷栢丸

此藥養血潤燥治婦人衝任本虛血海不

足不能流通經絡月水不調赤白帶下三十六種

疾並皆治之常服和經絡煖五臟潤肌膚長髮去

黥除風令人有子

卷栢

去根

當歸

酒洗焙

艾葉

炒各二兩

熟地黃

洗焙

川芎

白芷

栢子仁

微炒

肉蓯蓉

牡丹皮

各一兩

右爲細末煉蜜和丸梧桐子大每服五十九用溫酒或米飲送下空心食前服

南嶽夫人濟陰丹

治婦人血氣久冷無子及數墮

胎皆因衝任之脉虛損胞內宿挾疾病經水不時

暴下不止月內再行或前或後崩中漏下三十六

疾積聚癥瘕臍下冷痛小便白帶已上諸疾皆令

孕育不成此藥兼治產後百病百時常服除宿血
生新血令人有子亦生子充實併治男子亡血諸
疾

木香

炮

京墨

煨

茯苓

桃仁

去皮尖麤
炒各一兩

蚕布

炮

藥木

秦朮

石斛

酒浸

桔梗

炒

人參

甘草

各三兩

牡丹皮

乾姜

炮

細辛

桂心

當歸

川芎

各五錢

蒼朮

米泔浸
八兩

大豆卷

炒半升

川椒

去目并合
口炒出汗

山藥

各三兩

澤蘭葉

熟地黃

酒浸
焙乾

香附子

炒各
四兩

糯米炒一升

右爲細末煉蜜丸每兩作六丸如彈子大每服一
丸細嚼溫酒送下淡醋湯化服亦可空心食前服
一方山藥川椒各三兩或以醋糊爲丸如梧桐子大
每服五十九丸依前服亦可

暖宮丸 治衝任虛損下焦久冷月事不調不成孕
育崩漏下血赤白帶下竝皆治之

生硫黃

六兩

赤石脂

火煨

海驃蛸

大附子

炮去皮臍各三兩

禹餘糧

九兩火煨醋淬

右爲細末醋糊爲丸如梧桐子大每服三十九空心用溫酒或醋湯送下

啓宮散 婦人肥盛者多不能孕育以身中有脂膜

閉塞子宮以致經事不行瘦弱婦人不能孕育以子宮無血精氣不聚故也肥人無子宜先調理

當歸

一兩酒洗

茯苓

二兩

川芎

七錢半

白芍藥

白朮

半夏

湯洗

香附米

陳皮

甘草

各二兩

作十帖每帖姜三片水煎吞後丸藥

啓宮丸

白朮

二兩

半夏麴

川芎

香附米

各一兩

神麴

炒

茯苓

各半兩

橘紅

四兩

甘草

二錢以上共為末

粥為丸每服八十丸如熱多加黃連枳實各一兩

服前藥訖却服後蠱斯丸

蠱斯丸

附子

製

茯苓

各六錢

厚朴

杜仲

桂心

秦朮

白薇

半夏

乾姜

牛膝

沙參

各二錢

人參

四錢

細辛

五錢

右爲末煉蜜和丸如小豆大每服五丸空心酒下
加至十丸不妨覺有娠三月後不可更服忌食牛
肉馬肉則過月難產累服神應

正元丹 調經種子

香附

一片同艾三兩先以醋同浸一宿然後分開製之酒蒸童子便各製四兩

阿膠

蛤粉炒二兩

枳壳

四兩半生用半炒

淮生地

酒洗

熟地

酒浸

當歸身

酒洗

川芎

炒各四兩

白芍藥

八兩

半生半酒炒

加白茯苓琥珀治帶

右爲末醋糊丸如梧桐子大空心鹽湯吞五六十

九

寶嗣丸 龐丞相夫人三十九歲無子服此藥十四
日有孕後生九子男婦皆可服

吳茱萸 白芨 白欬 白茯苓 陳皮各一兩

細辛五錢 桂心 五味子各四錢 白附子炒

川牛膝 厚朴製各三錢 人參 當歸

乳香各一錢 沒藥八分

右十五味經盡後一日連進二服交會必有孕見
効不可再服恐生雙胎

大盪胞湯 治婦人全不產育及斷絕久不產三十

年者乃汗血積冷宜服

朴硝 牡丹皮 當歸 大黃蒸一飯久 桃仁去皮

尖各三兩 細辛 厚朴姜汁製 桔梗 赤芍藥

人參 茯苓 桂心 甘草 牛膝去蘆 陳皮

各二兩 附子炮一兩半 蟲蛭去翅足炒焦

水蛭炒枯各十枚

右件以清酒五升水六合煮取三升分四服日三

夜一每相去三時更服如常覆被少時取汗汗不

出冬月着火籠必下積血及血冷赤膿如赤小豆
汁本爲婦人子宮內有此惡物或天陰臍下痛或
月水不調爲有冷血不受胎若斟酌下盡氣久弱
大困不堪更服亦可二三服卽止如大悶不堪可
食酢飲冷漿一口卽止然恐去惡物不盡不大得
藥力若能忍服盡大好一日後仍著坐煎藥
坐導藥 治全不產及斷續服前盪胞湯惡物不盡
用此藥

皂角

去皮子

吳茱萸

當歸

各二兩

細辛

去苗

五味子

乾姜

各一兩

黃葵花

白礬

枯

戎塩

蜀椒

各半兩

右爲細末以絹袋大如指長三寸餘剩藥令滿縛定納婦人陰中坐臥任意勿行走小便時去之更安一日一度易新者必下清黃冷汁若未見病出無間止可十日安下本爲子宮有冷惡物故令無子值天陰冷則發疼痛須候病出盡方已不可中止每日早晚用蕒菜煎湯薰之

一凌霄花婦人聞其氣不孕

香附散 婦人氣盛於血所以無子香附乃婦人之
仙藥不可謂其耗氣而不服

香附

炒四兩

茯神

一兩

陳皮

二兩

甘草

炙一兩

右爲末每服二錢沸湯調服

胤產全書一卷終

胤產全書卷一

胤產全書卷二

金壇王肯堂泰宇父纂著

海陽張受孔心如父叅定

海陽姚學顏伯愚父校閱

發育論

予嘗謂男女受天地之全陽施陰化妙合自然猶
春氣鼓盪萬類一伸葭管之灰卽枯荻磽土勾萌
畢達所以然者得陰陽之和而成充氣之體也造
物獨不全於人乎蓋由男精病於斷喪女血蓄於

阻遏日損日虧奚嗣之望故發育之理不斲於人
人自斲於發育耳是以男莫先於聚精精聚則神
全神全則本立女莫先於調氣氣調則血附血附
則經平二者既得其理發必中的而生育矣故云
女不孕咎於經不調交不孕咎於精不射然未達
鼓琴之說欲成音響者必先操縵以和其弦一有
不調曲不成聲蓋亦以其不可偏勝也嗣育一端
何以異此今人不歸咎於精血之不充而謂數奇
之不偶皆不知本者也

候時

袁了凡先生云天地生物必有絪縕之氣萬物化生必有樂育之時絪縕樂育之氣在人與物觸之而不能自止耳此天然之節候生化之真機也世人種子有云三十時辰兩日半二十八九君須筭此特言其大槩耳丹經云一月止有一日一日止有一時凡婦人一月經行一度必有一日絪縕之候於一時辰間氣蒸而熱昏而悶有欲交接不可忍之狀此的候也於此時逆而取之則成丹順而

施之則成胎矣其日三日月出庚又日溫溫鉛鼎
光透簾幃皆言其景象也當其慾情濃動之時子
宮內有蓮花蕊者不拘經淨幾日自然挺出陰中
如蓮蕊初開內人洗下體以手探之自知也但含
羞不肯言耳男子預蜜告之令其自言一舉卽中
蓋女人月經方絕金水纔生此時子宮正開乃受
精結胎之候妙合而凝之時過此佳期子宮閉而
不受胎矣

交會旺相日

春甲乙 夏丙丁 秋庚辛 冬壬癸 春秋冬
常忌丙丁 又摘玄云二月乙酉日午北首臥合
陰陽生子必貴

交會禁忌

晦朔弦望 虹霓地震 日月薄蝕 雷電霹靂
天地晦冥 大風大雨大霧大寒暑 日月星辰
之下 神廟寺觀之中 井竈園側之側

塚墓尸柩之傍 此時此地受胎非止百倍損於
父母而所生之子亦必有育聾啞頑愚殘疾夭

解題全書 卷一
三
折不仁不義不孝不弟之類矣可不慎歟可不慎歟

男女論

男女之分亦皆有說月候方住一日三日五日交會者成男雙日者成女又云陰氣先至者成男陽氣先至者成女蓋陰陽配合二氣交感若陰血先至陽精後衝縱氣來乘血開裹精陰外陽內則成坎卦而成男若陽精先入陰血後參兩傍橫氣來助精開裹血陰內陽外則象離卦而爲女故脉訣

云夫乘妻兮縱氣露妻乘夫兮橫氣助子乘母兮
逆氣參母乘子兮順氣護易曰乾道成男坤道成
女乾坤陰陽之性情也左右陰陽之道路也男女
陰陽之儀象也父精母血因感而會精之泄陽之
施也血能攝之陰之化也精成其骨此萬物之資
始於乾元也血成其胞萬物之資生於坤元也陰
陽交姤胎孕乃凝胎之所居名曰子宮一系其下
上有兩岐一達於左一達於右精勝其血及剛日
陽時感者則陽爲之主受氣於左子宮而男形成

精不勝血及柔日陰時感者則陰爲之主受氣於
右子宮而女形成是知男女之分已定於萬物資
始乾元之際陰陽交媾之時昧者不悟矣有轉女
爲男之法是不明感交之理矣

受胎類

素問云婦人足少陰脉動甚者姪子也又陰搏陽
別謂之有子妊娠初時寸微小呼吸五至三月而
尺數也脉滑疾重以手按之散者胎已三月也脉
重手按之不散但疾不滑者五月也

候胎

凡婦人妊娠四月欲知男女遣妊人南行呼之左
迴首者是男右迴首者是女蓋男胎在左則左重
故回首時慎護重處而就左也女胎在右則右重
故回首時慎護重處而在右也推之於脉其義亦
然胎在左則血氣護胎而盛於左故脉亦從之而
左疾爲男左大爲男也胎在右則血氣護胎而盛
於右故脉亦從之而右疾爲女右大爲女也此男
女不易之理

神方驗胎散

婦人三兩月月經不行疑是有孕又疑血滯心煩
寒熱恍惚此藥可驗取之內也外有身病無邪脉
以素問脉法推之十得八九矣

真雀腦芩

兩

當歸

全用重一兩
者只用七錢

右爲細末分作兩服濃煎好艾湯一盞調下或好
酒服可待三兩個時辰間覺腹臍微動而頻卽有
胎也動罷卽愈安穩無虞如不是胎卽不動所滯
惡物自行母亦安也如服藥不効再煎紅花湯調

下必有神効

又方 三月後經血不行欲驗是胎

用真則等一兩

細末濃煎艾湯空心調服覺腹中微動則有胎若在臍下動者乃血癥也不動者血病更看尺脉不止則是胎

探胎散 婦人胎氣有無疑惑之間以此探之有胎則吐無胎不吐

皂角去皮

甘草各一錢

黃連半錢

右爲細末作一服溫酒調服

養胎類

婦人妊娠一月名始胚足厥陰脉養之二月名始膏足少陽脉養之三月名始胎手心脉養之四月始受水精以成血脉手少陽脉養之五月始受火精以成其氣足太陰脉養之六月始受金精以成其筋足陽明脉養之七月始受木精以成其骨手太陰脉養之八月始受土精以成膚革手陽明脉養之九月始受石精以成毛髮足少陰脉養之十

月臟腑關節人神俱備此其大略若細推之受胎
在腹七日一變展轉相成各有生相今婦人墮胎
在三月五月七月者多在二四六月者少臟陰而
腑陽三月屬心五月屬脾七月屬肺皆在五臟之
脉陰常易虧故多墮耳如昔曾三月墮胎則心脉
受傷須先調不然至三月復墮昔曾五月墮胎則
脾脉受傷至五月復墮宜先治脾惟有一月之內
墮胎則人皆不知但知不受妊不知其受而墮也
一月屬肝怒則墮多洗下體則竅開亦墮一次既

墮則肝脉受傷他次又墮今之無子者大半是一
月墮胎非盡不受妊也故凡初交之後最宜將息
勿復交接以擾其子宮勿怒勿勞勿舉重勿使洗
浴而多服養肝平氣之藥胎可固矣

逐月養胎法

北齊徐之才云妊娠一月名曰始胚飲食精熱酸
美受御宜食大麥無食腥辛是謂纔正

禁忌針灸

妊娠一月足厥陰脉養不可鍼灸其經

對大敦行
開太衝中

封五里中經 足厥陰內屬於肝肝主筋及血一月

等穴是也 之時血行否澁不為力事寢必安靜無令恐懼

妊娠一月陰陽新合為胎寒多為痛熱多卒驚舉

重腰痛腹滿胞急卒有所下當預安之

烏雌鷄湯

烏雌鷄 一隻治 扶苓 阿膠 各二

如食法

吳茱萸 升一 麥門冬 五合 人參 芍藥

去心

白朮 各三 甘草 生薑 各一

兩

兩

右咬咀以水乙斗二升煮鷄取汁六升去鷄下藥

煎取三升內酒三升并膠烱化三升分溫每服一

升日三服

補胎湯 若曾傷一月胎者當頓服此

細辛 一兩 防風 二兩 乾地黄 白朮 各三兩

生姜 四兩 吳茱萸 大麥 各五合 烏梅 一升

右八味咬咀以水七升煮取二升半分三服先食

服寒多者倍細辛茱萸熱多渴者去之加瓜蒌根

二兩若有所下去大麥加栝子仁三合 一方有

二月養胎法

妊娠二月名始膏無食辛燥居必靜處男子勿勞
百節皆痛是爲胎始結

妊娠二月禁針灸

妊娠二月足少陽脉養不可針灸其經

如胆竅丘墟付陽絕

骨外立陽勝泉等穴是也

足少陽內屬於胆胆主精二月之時

兒精成於胞裡當慎護驚動也

妊娠二月始陰陽踞經有寒多壞不成有熱卽萎
悴中風寒有所動搖心滿臍下懸急腰背強痛卒
有所下乍寒乍熱宜服

艾葉湯

艾葉 丹參 當歸 麻黃各二兩 人參

阿膠各三兩 甘草一兩 生姜六兩 大棗十二枚

右九味咬咀以酒三升水一斗煮減半去滓內膠煎取三升分三服一方用烏雌鷄一隻宿肥者治如食法割頭取血內三升酒中相和次以水一斗二升先煮取汁去鷄內藥煎取三升內血酒并膠煎取三升分溫三服

黃連湯 若曾傷二月胎者當預服此

黃連

人參

各一兩

吳茱萸

五合

生姜

三兩

生地

五兩一方用阿膠

右五味㕮咀以酢漿七升煮取三升分四服日三夜一十日一修合若頗覺不安加烏梅乙升加烏梅者不用漿直用水二一方用當歸半兩

三月養胎法

妊娠三月名始胎當此之時未有定儀見物而化欲生男者操弓矢欲生女者弄珠璣欲子美好數視璧玉欲賢良端坐清虛是爲外象而內感者也

妊娠三月禁針灸

妊娠三月手心主脉養不可針灸其經

如中衝勞宮大陵內

關間使郄門曲澤等穴是也

手心主內屬於心毋悲哀思慮驚

動

妊娠三月爲定形有寒大便青有熱小便難不赤

卽黃卒驚恐憂愁嗔怒喜頓仆動於經脉腹滿繞

臍苦痛或腰背卒有所下宜服

雄雞湯

雄雞

一隻治如食法

黃芩

白朮

生姜

各一兩

麥門冬五合 芍藥 大棗十二枚 甘草 人參

茯苓 阿膠各二兩

右咬咀以水一斗三升煮雞臠半出雞內藥煮取半內清酒三升并膠煮取三升分三服一日令盡

當溫臥一方用當歸川芎各二兩不用黃芩生姜

茯苓湯 曾傷三月胎者當預服此 茯苓 丹參 龍骨各一兩 阿膠 當歸

甘草 人參各二兩 大棗十一枚

赤小豆二十粒

右九味咬咀以酢漿一斗煮取三升分四服先食

服七日後服一劑腰痛者加桑寄生二兩

深師有
莊白二

兩麻子

一升

四月養胎法

妊娠四月始受水精以成血脉食宜稻粳羹宜魚

鴈是謂盛血氣以通耳目而行經絡

妊娠四月禁針灸

妊娠四月手少陽脉養不可針灸其經

如開衝陽
池內關三

陽天井曲垣
等穴是也

手少陽內關三焦四月之時兒五臟

順成當靜形體和心志節飲食

妊娠四月有寒心下愠愠欲嘔胸膈滿不欲食有
熱小便難數數如淋狀臍下苦急卒風寒頸項強
痛寒熱或驚動身軀腰背腹痛往來有時胎上迫
胸心煩不得安卒有所下宜服

菊花湯

菊花

鷄子大一枚

麥門冬

升一

大棗

十二枚

人參

半一兩

甘草

當歸

各二兩

麻黃

阿膠

各三兩

半夏

四兩

生姜

五兩

右十味咬咀水八升煮減半內清酒三升并阿膠煎取三升分三服溫臥當汗以粉粉之護風寒四五日一方用烏雌雞一隻煮汁煎藥

調中湯 若曾傷四月胎者當預服此

白芍藥

生薑

各四兩

厚朴

生柰根白皮

枳實

白朮

柴胡

各三兩

續斷

川芎

甘草

各一兩

當歸

一兩半

烏梅

一升

右十二味咬咀水一斗煮取三升分四服日三夜

一八日後復服一劑

五月養胎法

妊娠五月始受火精以成氣臥必晏起沐浴浣衣
深其居處厚其衣服朝吸天光以造果殃其食稻
麥其羹牛羊和以菜茹調以五味是謂養氣以定
五臟

妊娠五月禁針灸

妊娠五月足太陰脈養不可針灸其經

如隱白大

丘三陰交滿谷陰
陵泉等穴是也

足太陰內輸于脾五月之時兒

四肢皆成無太飢無甚飽無食乾燥無自炙熱無

大勞倦

妊娠五月有熱苦頭眩心亂嘔吐有寒苦腹滿痛
小便數卒有恐怖四肢疼痛寒熱胎動無常處腹
痛悶頓欲仆卒有所下宜服

阿膠湯

阿膠

四兩

人參

一兩

生姜

六兩

當歸

芍藥

甘草

黃芩

各二兩

旋覆花

二合

吳茱萸

七合

麥門冬

一升

右十味咬咀水九升煮藥減半內清酒三升并膠

微火煎取三升半分四服日三夜一先食服便愈
不差再服一方用烏雌雞一隻割取咽血內酒中
以水煮雞汁煎藥減半內酒并膠煎取三升半分
四服

安中湯 曾傷五月胎者當預服此

黃芩

兩一

當歸

川芎

乾地黄

人參

各二兩

甘草

芍藥

各二兩

生姜

六兩

麥門冬

升

五味子

大麻仁

各五合

大棗

三十枚

石十二味咬咀水七升清酒五升煮取三升半分

四服日三夜一七日後復一劑

安胎當歸湯 若妊娠五月舉動驚悸胎不安小腹
痛引腰脇小便下血

當歸

阿膠

炒

川芎

人參

各一兩

大棗

十二枚

艾葉

一把

右酒水各三升煮至三升內膠令烊分三服一方
有甘草無參棗

六月養胎法

妊娠六月始受金精以成其筋身欲微勞無得靜

處出遊於野數視走犬及覩走馬食宜驚鳥猛獸
之肉是謂變膜理紐筋以養其力以堅背腎

妊娠六月禁針灸

妊娠六月足陽明脉養不可針灸其經

如屬兌豐隆陰市三

里上下廉等穴是也

足陽明內屬於胃主其口目六月之時

兒口目皆成調五味食甘美無大飽

妊娠六月卒有所動不安寒熱往來腹內脹滿身

體腫驚怖忽有所下腹痛如欲產手足煩疼宜服

麥門冬湯

麥門冬

升一

人參

甘草

黃芩

各二兩

乾地黄

三兩

阿膠

四兩

生薑

六兩

大棗

十五枚

右八味以水七升煮減半內清酒二升并膠煎取三升分三服中間進糜粥一方用烏雌雞一隻取

汁煎藥

柴胡湯

若曾傷六月胎者當預服此

柴胡

四兩

從蓉

一兩

白朮

芍藥

一作柴藁

甘草

麥門冬

芫花

各二兩

生薑

六兩

乾地黄

五兩

大棗

三十枚

右咬咀水一斗煮取三升分四服日三夜一中間
進糜粥勿食生冷及堅硬之物七日更服一劑一
方有黃芩二兩

旋復花湯 療妊娠六七月胎不安常處亦治阻病

旋復花

兩一

厚朴

製

白朮

枳殼

黃芩

炒

茯苓

各三兩

半夏

炒一兩無方

芍藥

生姜

各二兩

右水一斗煮取二升半分五服先食服日三夜二

忌羊肉錫醋桃李雀肉

七月養胎法

妊娠七月始受木精以成其骨勞身搖肢無使定
止動作屈伸以運血氣居處必燥飲食避寒常食
稻粳以密腠理是謂養骨而堅齒

妊娠七月禁針灸

妊娠七月手太陰脉養不可針灸其經

如少商魚際列缺天

澤天府等穴是也

手太陰内屬於肺主皮毛七月之時是

皮毛已成無大言無號哭無薄衣無洗浴無寒飲

妊娠七月忽驚恐搖動腹痛卒有所下手足厥冷

脉若傷寒煩熱腹滿短氣常苦頸項及腰背強葱

白湯主之

葱白湯

葱白

長三四寸
十四莖

半夏

麥門冬

各一升

旋復花

二合

黃芩

一兩

人參

一兩半

甘草

當歸

黃芪

各三兩

阿膠

四兩

生姜

八兩

右十二味㕮咀水二升煮減半內清酒三升及膠

煎取四升每服一升日三夜一溫臥當汗出若不

出者加麻黃二兩煮服如前法若秋後勿強責汗

一方以黃雌雞一隻割咽取血內酒中煮雞取汁

以煎藥

杏仁湯 若曾傷七月胎者當預服之

杏仁

甘草

各二兩

紫苑

一兩

鍾乳

乾姜

各二兩

麥門冬

吳茱萸

一升

糯米

五合

五味子

三合

右九味咬咀以水八升煮取三升半分四服日三

夜一中間進食七日服一劑一方用白鷄一隻煮

汁煎藥

八月養胎法

妊娠八月始受土精以成膚革和心靜息無使氣極是謂密腠理而光澤顏色

妊娠八月禁針灸

妊娠八月手陽明脉養不可針灸其經

如商陽二關合骨上

下廉三里曲池肩井肩髃等穴是也

手陽明內屬於大腸主九竅八

月之時見九竅皆成無食燥物無輒失食無忍大起

妊娠八月中風寒有所犯觸身體盡痛乍寒乍熱胎動不安常苦頭眩痛繞臍下寒時時小便白如

米泔或青或黃或使寒濕腰背苦冷而痛目眊眊
芍藥湯主之

芍藥湯

芍藥

生薑

各四兩

厚朴

二兩

甘草

當歸

白朮

人參

各三兩

薤白

切一升

右八味咬咀水五升清酒四升合煮取三升分三

服日再夜一一方用烏雌雞煮汁煎藥

葵子湯

若會傷八月胎者當預服此

葵子

二升

甘草

厚朴

各二兩

白朮

柴胡

各三兩

芍藥

四兩

生姜

六兩

大棗

二十枚

右八味咬咀水丸升煮取三升分三服日三九十日一劑一方用烏雌雞煮汁煎藥

丹溪縮胎丸

八九箇月用之

黃芩

夏一兩秋七錢冬五錢炒

白朮

二兩

陳皮

三兩去白

茯苓

七錢半

右爲末粥丸桐子大

九月養胎法

妊娠九月始受石精以成皮毛六腑百節莫不畢

備飲醴食甘緩帶自持而待之是謂養毛髮致才力

妊娠九月禁針灸

妊娠九月足少陰脉衰不可針灸其經

如湧泉然谷太谿交

信築賓伏溜等穴是也

足少陰內屬於腎腎主續縷九月之

時兒脉續縷皆成無處濕冷無着灸衣

妊娠九月若卒得下痢腹滿懸急胎上衝心腰背痛不可輕側短氣宜服

半夏湯

半夏 麥門冬 吳茱萸 當歸 阿膠 各三兩

乾姜 一兩 大棗 十二枚

右七味咬咀以水九升煮取三升去滓內白蜜八合微火上溫服四服痢即止一方用烏雌鷄煮汁

煎藥

猪腎湯 若曾傷九月胎者當預服此

猪腎 具一 茯苓 桑寄生 乾姜 乾地黄

川芎 各三兩 白朮 四兩 附子 中者一枚 大豆 三合

麥門冬 一升

右咬咀以水一斗煮腎全熟去腎內諸藥煎取三升半分四服日三夜一十日更一劑

丹溪縮胎丸 九箇月用之

黃芩

一兩宜熱藥不宜涼藥法減半

枳殼

炒七錢半

白朮

一兩

滑石

七錢半臨月十日前小便多時加此一味

右爲末粥丸如梧子大每服二十九空心熱湯下

妊娠十月養胎法

妊娠十月五臟俱備六腑齊通納天地氣於丹田關節人神皆備但俟時而生

妊娠十月形神俱備日滿卽產矣宜服滑胎藥入
月卽服

滑胎散 瘦胎易生湖陽公主每產累日不下南山
道士進此方

商州枳殼

二兩

粉草

一兩

右爲細末百沸湯點二錢服空心日三服凡懷孕
七八個月已上服之令兒易生初生胎小微黑百
日以後漸漸變白此雖謂胎易產然抑陽降氣爲
衆方之冠

懷孕忌服藥

玃蟹水蛭地胆蟲烏頭附子配天雄躑躅野葛蜈
蚣類烏喙側子及蝨虫牛黃水銀并巴豆大戟蛇
蛻及蜈蚣牛膝藜蘆并薏苡金石錫粉及雌雄牙
硝芒硝牡丹桂蜥蜴飛生及麝蟲代赭蚱蟬胡粉
麝花薔薇薔草三稜槐子牽牛并皂角桃仁薔螬
和茅根檳榔礪砂與乾漆亭長波流茵草中藿麥
藺茹蟹爪岬蝟皮赤箭赤頭紅馬刀石蚕衣魚等
半夏南星通草同乾姜蒜鷄及鷄子驢肉蚕肉不

須供切須婦人產前忌此歌宜記在心胸

飲食忌

一受孕之後切宜忌不可食之物非惟有感動胎氣之戒然於物理亦有厭忌者設或不能禁忌非特延月難產亦能令兒破形毋損可不戒哉

食鷄肉糯米合食令子生寸白蟲 食羊肉令子多厄 食鯉魚鱸及鷄子令子成痔多瘡 食犬肉令子無音聲 食兔肉令子唇缺 食鱉令子項短及損胎 食鴨子共桑椹同食令子倒生心

寒 食螃蟬令子橫生 食雀肉合豆醬食之令

子面生黥黯黑子 食豆醬合藿香食之墮胎食

水漿絕產 食雀肉令子不耻多淫 食山羊肉

令子多病 食生姜令子多指生瘡 食蝦蟇鱓

魚令兒瘖瘡 食驢騾馬肉延月難產

起居忌

妊後勿亂服藥勿過飲酒勿妄針灸勿向非常地
便勿舉重登高涉險心有大驚犯之難產子疾病
勿多睡臥時時行步體虛腎氣不足生子解顛腦

破不合宜溫補脾胃不和榮衛虛怯子必羸瘦白
家及鄰家修造動土犯其胎氣令子破形殞命刀
犯者形必傷泥犯者竅必塞打擊者色青黯繫縛
者相拘攣有此等驗如影響切宜避之

惡阻類

治婦人經候不行身無病而似病脉滑大而六脉
俱勻乃是孕婦之脈也精神如故惡聞食臭或但
嗜一物或大吐或時吐清水此名惡阻切勿作寒
病治之宜服此藥如覺惡心嘔吐加丁香生薑煎

服

保生湯

人參

甘草

各二錢半

白朮

香附子

烏藥

橘紅

各半兩

右咬咀每服三大錢水一盞半姜五片煎至七分

去滓溫服無時或作末子調服

姜參半夏丸

妊娠嘔吐不止

乾姜

人參

各一兩

半夏

湯洗去滑二兩

右三味末之以生姜汁糊爲丸梧桐子大每服十

九日三服

半夏茯苓湯

治妊娠惡阻嘔吐心煩頭目眩暈惡

聞食氣好食酸醎多臥少起百節煩疼羸瘦有痰

胎孕不安

半夏

洗一兩
二錢半

赤茯苓

熟地黄

各七錢半

橘紅

旋復花

人參

芍藥

川芎

桔梗

甘草

各半兩

細辛

三錢

右咬咀每服五錢姜七片水煎空心服兼服茯苓

丸 若有客熱煩渴口瘡去橘紅細辛加前胡知

母七錢五分若腹冷下痢去地黃加炒桂心半兩
若胃中虛熱大便秘小便赤澀加大黃七錢半去
地黃加黃芩二錢五分

茯苓丸 治妊娠阻病心中煩悶吐痰眩暈先服半
夏茯苓湯二劑後服此藥

赤茯苓 人參 桂心 乾姜 半夏

湯泡七次炒黃

橘皮

各一兩

白朮

葛根

甘草

枳殼

各二兩

右爲細末煉蜜爲丸如梧桐子大每服五十丸米

飲下日三服一方加麥門冬

肘後加五味子

集驗方 療婦人妊娠惡阻嘔吐不下食

青竹茹

橘皮

各三兩

生姜

茯苓

各四兩

半夏

五兩

右細切以水六升煮取二升半去滓分三服不瘥

頻服忌羊肉餛鮓等物

旋復半夏湯

治妊娠惡阻吐逆酸水惡聞食氣多

臥少起

旋復花

川芎

細辛

人參

甘草

炙各七分

當歸

半夏

湯泡

赤茯苓

乾生姜

陳皮半各錢

水二鍾姜五片煎至一鍾不拘時服

右諸方竝用半夏蓋取其辛以散結氣瀉逆氣故嘔惡自止非專爲痰設也婁全善曰大千方論半夏動胎而不用仲景方乃用之予治妊娠阻病累用未常動胎也經云有故無殞是也

白朮散一治惡阻吐清水甚者害十餘日水漿不入

白朮兩一

人參兩半

丁香二錢半

甘草

錢一

右爲細末每服二錢水一盞姜五片煎七分溫服

人參丁香散

治妊娠惡阻胃寒嘔逆翻胃吐食腹

心腹刺痛

人參 丁香

藿香葉

各二錢半

右為散每服三錢水一盞煎七分溫服不拘時

醒脾飲

治妊娠阻滯逆不食甚者中滿口干無

米或作寒熱服之神効

草豆蔻

以濕紙裹灰中煨令紙乾取出去皮用

厚朴

薑製者半兩

乾姜

兩一

甘草

一兩二錢半

右為細末每服二大錢水一六鍾棗二枚生薑三

片煎八分去滓呷服病輕者只一兩服便能食
右諸方與前茯苓九並用丁香乾姜惟中寒脉遲
者宜之

人參橘皮湯 治阻痛嘔吐痰水

人參 橘皮 白朮 麥門冬 各一兩 甘草 三錢

厚朴 白茯苓 各五錢

右為粗末每四錢加淡竹茹彈子大姜三片水煎
竹茹飲 妊娠惡食心中煩憤熱悶嘔吐

青竹茹 麥門冬 各三兩 前胡 二兩 橘皮 一兩

蘆根一握 如體熱四肢煩熱加地骨皮一握
右切細以水一大升煮半升去渣分兩服食前服
右方用竹茹門冬蘆根皆氣涼而性和有熱無寒
者通用之平劑也

歸原散 治妊娠惡阻嘔吐不止頭痛全不入食服
諸藥無効者用此藥理血歸原則愈

人參 甘草 川芎 當歸 芍藥

丁香

各半兩

白茯苓

白朮

陳皮

各一兩五錢

枳殼

去穢炒

桔梗

炒各二錢五分

半夏

湯洗七次炒黃一兩

右哎咀每服三錢生薑五片棗一枚水同煎

安胎類

丹溪云妊娠因火動胎逆上作喘者可用條芩香附之類夫黃芩乃安胎之聖藥俗人不知以爲寒而不敢用冒溫熱藥可以安胎殊不知胎前當清血養血則血循經不妄行故能養胎產後却不可用黃芩產後宜大補氣血爲主雖有雜症以未治之黃芩安胎乃上中下三焦降火下行之藥砂仁安胎乃血中之氣藥能治痛行氣阿膠安胎治血

虛胎不安者用之

安胎

安胎有二法因母病以動胎但療母病而胎自安
因胎不堅固致動以病母但療胎則母病瘥若偶
然胎動不安腰痛者須進安胎藥二三服胎安止
安胎飲 治胎寒腹痛胎熱多驚舉重腰痛腹滿胞
急或頻仆閃胸忽有所下或飲食毒物或感時疾
往來寒熱致傷胎氣

當歸

枳殼

炒各一兩

粉草

炙一兩

糯米

合二

熟地黃

二兩

川芎

一兩五錢

右剉每服四錢水盞半姜五片棗一枚加金銀少

許同煎七分食前服 虛弱加黃芪 下血加炒

阿膠 下血不止加熟艾 腹痛加白芷白芍藥

減食加人參白朮

固胎湯

地黃

川芎

黃芩

各五分

歸身尾

人參

白芍藥

陳皮

各一錢

白朮

二錢

甘草

三分

黃柏

炒少許

桑上羊食藤

圓者七葉

糯米

十四粒

右咬咀水煎服

白朮散 妊娠養胎主之

白朮

芎藭

各兩

蜀椒

七錢半
炒出汗

牡蠣

半兩

右四味杵爲散酒服一錢七日三服夜一服但苦
痛加芍藥心下毒痛倍加芎藭心煩痛吐不能飲
食加細辛一兩半夏大者二十枚服後更以醋漿
水服之復不解者小麥汁飲之已後渴者大麥粥
服之病雖愈服之不置

二香散 治妊娠胎動不安氣不升降飲食不美嘔

吐酸水起坐覺重

香附子

一兩

藿香葉

甘草

各三錢

右爲細末每服二錢不拘時沸湯調下

順氣飲 產前服之安胎

紫蘇葉

木香

炮

人參

草豆寇

茯苓

各一兩

甘草

半兩

大腹子

一兩如氣弱者不用

右咬咀每服三錢水一盞苧根三寸糯米少許煎

至七分去滓溫服

阿膠散

治妊娠或因顛仆胎動不安腰痛腹滿或

有所下或胎上搶心

熟地黄

二兩

白芍藥

艾葉

當歸

甘草

河膠

黃芪

各二兩

一方有川芎

右咬咀每服半兩姜三片棗一枚水同煎服

立効散 治婦人胎動不定如重物所墜冷如冰

川芎

當歸

各等分

右爲粗末秤三錢水煎食前溫服

產寶方 治妊娠無故胎重腹內絞痛煩悶

當歸

桑寄生

各一兩

川芎

七錢半

豉

八合

阿膠

五錢

葱

十四莖

右水二升煮八合下膠烱溫分二服空心服

養生必用治胎動方 救急療胎動去血腰腹痛

阿膠

川芎

當歸

青竹茹

各二錢

右以水十盞內銀一斤煮至五盞去銀入上件藥
三味煮至二盞半去滓入膠再煎膠烱分溫三服
空心自早至暮晝未効再作

葱白羹飲

胎動不安

好銀煮水加葱白作羹食佳

止痛安胎飲 胎動充心煩悶欲死安胎止痛

當歸

酒洗

川芎

人參

阿膠

炒成珠

甘草

炙冬一兩

葱白切

一升

右水七升煮三升分三服

護胎法 治妊娠胎動不安護胎捷効

鯉魚

二斤

粳米

一升

葱

一握

豉姜

右作臠食之每月一度

黃芩湯 治婦人胎孕不安

黃芩

白朮

各半兩

當歸

二錢

一右作一帖水二鍾煎至一鍾不拘時服

小品止痛湯 療妊娠重下痛引腰背安胎

當歸 阿膠 乾地黄 黃連 芍藥 各兩

鷄子 一枚 秫米 升一

右七味以水七升攪鷄子令相得煮秫米令如蟹

目沸去滓內諸藥煮取三升分四服忌蕪荑

黃芪湯 胎動不安腹痛下黃汁

糯米 一合 黃芪 一兩 川芎 各一兩

右細剉水二大盞煎至一盞三分溫服

銀苧酒 治妊娠胎動欲墮胎腹痛不可忍

苧根 二兩 銀 五兩 清酒 一盞

右以水二大盞煎至一大盞去滓分二服

地仙煎 治妊娠胎動煩悶不安甚

生地黃杵取絞汁每服一小盞煎令沸入鷄子

白一枚攪令勻頓服

斷芑湯 治妊娠胎動晝夜叫呼口噤唇塞及下重

痢不息

艾葉 五兩 以好酒五升同煮取四升去滓更煎

取一升服口閉者開口嚙之藥下即瘥

吳茱萸湯 胎常墮落而不能結實或寒或熱

吳茱萸兩半 炙甘草兩半 黃芪 熟地 川芎

人參 浙朮各一兩

右爲末空心酒調二錢忌菰菜醋

固胎方 胎氣不固常小產

當歸 川芎 芍藥 地黃 阿膠炒 香附

白朮 黃芩 砂仁 糯米煎服

寄生湯 治胎氣不安及五箇月以後者

桑寄生

洗

秦艽

阿膠

各半兩

糯米粉

右以新汲水三升先下桑寄生秦艽二味煮至二升去滓次下阿膠糯米再煮約一升止服三服空心食前日午服之忌酒醋三五日妊娠胎氣至五月已後不安者服之必効須見妊婦好飲酒食醢酸五辛胎必動不可不知

集驗方 妊娠二三月至八九月胎動不安腹痛已有所見

艾葉

阿膠

當歸

川芎

各三兩

甘草

一兩

右細切以水八升煮取三升去滓內膠令烊分三服日三

子懸類

紫蘇飲 治妊娠胎氣不和懷胎近上脹滿疼痛氣
之子懸兼治臨產驚恐連日不下

紫蘇葉

一兩

大腹皮

人參

川芎

陳皮

白芍藥

各半兩

當歸

七錢五分

甘草

二錢半

右細剉分作三服每服用水一盞半生姜四片熬
白七寸煎至七分去滓空心服

當歸湯 治妊娠胎動盪心悶絕煩燥口乾橫生倒
產上衝下築迷悶唇口青黑手足厥冷產科名保
安散

當歸

阿膠

沙

甘草

各一兩

人參

兩半

連根葱白

握一

一方無甘草有川芎厚朴產寶有川芎

右細切水二升煮四味至升半去滓下葱再減三
合溫服一劑分爲二三服

靈保飲

治妊娠胎上逼心煩悶六七月以後胎動

困篤

用葱白二七莖濃煮汁飲之若胎未死卽安已
死卽出未効再服

保生秘錄 治胎動上逼心痛

取艾葉如鷄子大以頭醋四升煎取二升分溫
服

又秘錄 胎上通心熱痛下血

神麴半觔搗碎和熱水絞出汁三鍾溫服卽止

三神湯 治妊娠遍身痛或衝心欲死不能飲食

白朮

五兩

黃芩

二兩

芍藥

四兩

右水六升煮取二升半分作三服緣胎有水致痛
兼易產

葛大仲方

療妊娠卒胎上迫心痛

取弩弦急帶之立愈

子煩類

妊娠苦煩悶者以日月受少陰君火氣以養精六
月受少陽相火氣以養氣若母心驚胆寒多有煩
悶名曰子煩也妊娠子煩是肺臟虛而熱乘於心

則心煩停痰積飲在心胸間亦令煩也若熱煩但
熱痰飲而煩則嘔吐涎沫惡聞食氣煩躁不安均
謂之子煩

竹葉湯 治妊娠心驚胆怯終日煩悶

白茯苓

三錢

防風

麥門冬

去心

黃芩

各二錢

右作一服水二鍾竹葉五片煎至一鍾服

竹茹湯 療妊娠煩燥或胎不安

用淡青竹茹

以水一大升煮取四合徐徐服盡為度

麥門冬湯 妊娠心驚胆怯煩悶

麥門冬 白茯苓 防風 各三錢 人參 一錢五分

右作一服水二鍾生姜五片淡竹葉十片煎至一
鍾去滓服

清平飲 妊苦煩悶

麥門冬 茯苓 防風 知母 竹瀝

右水二鍾煎一鍾下竹瀝食後服

子淋類

妊娠小便淋者乃腎與膀胱虛熱不能制水然妊

婦胞繫於腎腎間虛熱而成斯証甚者心煩悶亂
名曰子淋也

葵芍湯 尿澀小便不通熱痛

冬葵子

兩一

芍藥

兩一

條黃芩

錢五

車前子

錢五

赤茯苓

錢五

右咬咀每五錢水二盞煎八分食後溫服

地膚大黃湯 療妊娠子淋宜下

川大黃

地膚子

各三兩

知母

黃芩

猪苓

赤芍藥

通草

升麻

枳實

甘草

各二兩末調服

安榮散 治妊娠小便澀少遂成淋瀝

麥門冬

去心

通草

滑石

人參

細辛

各三錢

當歸

酒浸

燈草

甘草

各半兩

右爲細末每服二錢不拘時麥門冬煎湯調服

大腹皮散 治妊娠大小便赤澀

大腹皮

枳殼

去皮麩炒

甘草

炙各一錢

赤茯苓

去皮三錢

右爲細末每服二錢不拘時濃煎葱白湯下

又方 治胎前諸般淋瀝小便不通

檳榔

赤芍藥

各等分

右剉每服五錢煎溫服甚効

轉胞類

妊娠小便不通爲小腸有熱傳於胞而不通耳又胎滿逼胞多致小便不利煩熱不得臥而反倚息者此名轉胞以胞系了戾故致此病宜腎氣丸主之

八味地黄丸

地黄

山茱萸

山藥

茯苓

澤瀉

丹皮

大附子 桂

煉蜜爲丸梧子大每酒下十五丸至廿丸日再服
張遠文曰余室人懷孕五月而轉胞醫投他劑反增
脹劇証諸方書皆用八味丸主之時醫泥於桂附
率不敢用七日而斃後一隣婦症同余力以八味
丸服之小便遂行大便亦下再以前丸加車前子
一劑肚腹頓利而安大悔前爲醫悞後識此方之
妙故爲志之 如丸劑不能速合遂配煎藥服之
歸母苦參丸 治妊娠小便難飲食如故

當歸

貝母

苦參

各四兩

右爲末煉蜜丸如小豆大服三丸加至十丸

螬蛸散

療小便不通及胞轉

用桑螬蛸一味搗末米飲服方寸七日三服

獨聖散

治妊娠小便不通

蔓荊子爲末每服二錢食前濃煎葱白湯調下

葵子茯苓散

妊娠有水氣重身小便不利洒淅惡

寒起卽頭眩

葵子

茯苓

各三兩

右二味杵爲散飲服方寸七日三服小便利則愈
仙杏丸 治妊娠卒不得小便

杏仁一味去皮尖搗丸棗豆大燈心湯吞七丸
立利

遺尿類

白薇散 妊娠遺尿及不知出

白薇 白芍藥 各等分

右爲末酒服方寸七日三服空心

又方 治妊娠小便不禁

桑螵蛸

二十枚
炙黃

右爲細末每服二錢空心米飲調下此藥前以小
便不通今又治不禁蓋兩用之也

尿血類

地黃飲 妊娠勞傷經絡有熱在內熱乘於血血得
熱則流溢滲入脬故令尿血也

生地黃一斤切

右以酒四升煮取二升分溫三服亦療落身後血

阿膠散

治症同前

阿膠 熟地黃各等分

右爲細末空心粥飲調下二錢

薑蜜湯 治妊人小便尿血

生姜七片 蜜半盞 白茅根一握

右入水濃煎服

臟躁類

婦人心虛驚悸悲傷不止此名臟躁宜服此

淡竹茹湯

麥門冬去心 小麥 半夏湯泡各二兩半 人參

白茯苓

各一兩半

甘草

一兩

右剉每服四錢姜五片棗一枚淡竹茹一團如指

大同煎溫服

又方 治胎臟躁自悲自哭自笑

右以紅棗燒存性米飲調下

耳麥大棗湯

治同前

耳草

三兩

小麥

一升

大棗

十枚

右以水六升煮取三升溫分三服亦補脾氣

漏胎下血類

夫妊娠漏胎者謂妊娠數月而經水時下也此由衝任脉虛不能約制手太陽少陰之經血也衝任之脉爲經絡之海起於胞内手太陽小腸脉也手少陰心脉也是二經爲表裡上爲乳汁下爲月水有娠之人經水所以斷者壅之養胎蓄之以爲乳汁也衝任氣虛則胞内泄不能制其經血故月水時下亦名胞漏血蓋則人斃矣又有因勞役喜怒哀樂不節飲食生冷觸冒風寒遂致胎動若母有宿疾子藏爲風冷所乘氣血失度使胎不安故令

下血又因氣虛血虛血熱胎本不固房室不節先漏而後隨者須作漏胎治不可不審

膠艾湯 不問月數淺深安胎

熟地黃

二兩

艾

炒二兩

當歸

二兩

甘草

炙一兩

川芎

二兩

阿膠

一兩

黃芪

一兩

每服三錢水盞半煎七分服

大千方 治妊娠三四月腹痛時時下血

續斷

二兩

艾葉

當歸

熟地黃

各六兩

作茹

阿膠

鷄蘓

各二兩

水一升煎取六合空心再服

濟生如聖湯

治胎動腹痛或為漏胎

鯉魚皮

當歸

酒浸

熟地黃

酒蒸

白芍藥

阿膠

蚌粉炒

川芎

續斷

酒浸

甘草

炙各等分

一方有乾姜竹茹

右咬咀每服四錢水一盞苧根少許姜五片煎溫

服

葉寄生散

治胎漏經血妄行淋瀝不已

葉寄生

當歸

酒浸

川芎

川續斷

酒浸

阿膠蛤粉炒

香附子煨去毛

茯苓去木

白朮各一錢

人參 甘草各一分

右作一服水二鍾生姜五片煎一鍾不拘時服

鄭氏人參散 治胎漏敗血瘵心日漸胎乾子母危

困

人參 黃芪炙

阿膠炒各五錢

竹茹 木香

炙甘草 附子炮各五錢

川芎 陳皮 苧根各二錢

錢半 生薑炮黑

右咬咀每四錢糯米三七粒水煎熱服忌生冷鷄

鴨魚麵

奇聖散 治妊娠下血不止

鷄肝三個用酒一升煮熟共食之大効

防風黃芩丸 治肝經有風熱致血崩便風尿血

用黃芩

炒焦

防風等分爲末酒糊丸如梧子大每

服三五十丸食遠或食前米飲或溫酒下

地黃湯 治經血妄行及鼻衄不止

生地黃

酒糯米
汁半兩

薄荷

三錢

甘草

一錢

右二味爲末新汲水合地黃汁調食後服

乾桃散 治胎血下不止

取桃樹上乾不落桃子燒灰和水服瘥

本草云桃奴破血

保命枳殼湯 治婦人胎漏下血及因事下血

枳殼

黃芩

各五錢

白朮

一兩

右爲細末每服七錢水一盞煎七分食前服

大千方 治妊娠忽下黃汁如膠如豆汁胎動腹痛

粳米

五合

黃芪

六兩

右以水七升煎取二升分爲四服

心痛類

妊娠心痛乃風邪痰飲交結若傷心正經爲真心
痛朝發夕死夕發旦死若傷心支絡則乍安乍作
若傷於子藏則胎動而血下

火龍散 治妊娠心氣痛

川練子

茴香

炒各三錢

艾葉末

鹽炒一錢半

右水二鍾煎至一鍾不拘時服

產寶方 妊娠卒心痛氣欲絕

川芎

當歸

茯苓

厚朴

製各一兩

右水六升煎取二升分二服

白朮湯 妊娠卒心痛欲死不可忍者

白朮 三兩 赤芍藥 二兩 黃芩 一兩半

右切以水六升煮取二升半分三服半日令盡微下水令易生忌桃李雀肉等

千金方 療妊娠心痛

青竹茹 升 羊脂 八兩 白蜜 三兩

右三味合前每服棗核大三枚食前服日三服

心腹痛類

夫妊娠心腹痛者或由宿有冷疼或觸風寒皆由

臟虛而致發動也邪正相擊而并於氣隨氣上下
上衝於心則心痛下攻於腹則腹痛故令心腹痛
也邪正二氣交攻於內若不時差者其痛衝擊胞
絡必致動胎甚則傷墮也多是風寒濕冷痰飲與
臟氣相擊

當歸芍藥散

妊娠腹中絞痛心下急痛

白芍藥

半斤

當歸

茯苓

白朮

各四兩

澤瀉

川芎

各二兩

右爲細末每服二錢食前溫酒調服

葱白飲 療妊娠腹痛并胎動不安

葱白

切升

人參

厚朴

阿膠

川芎

各二兩

當歸

三兩

右水七升取三升分三服

一方有甘草無厚朴川芎

薤白飲 療妊娠腹內冷痛忽胎動

薤白

一升

當歸

四兩

右水五升煮取三升作三服

又方 妊娠忽心腹腰痛不安二三月娠者

當歸

三錢

阿膠

炒二錢

甘草

炙二錢

葱白

四錢

右剉分二服每服水二盞煎大半盞服

東鹽湯

妊娠忽腹絞痛三五月娠

大棗

十四枚
燒存性

鹽

一錢燒
令亦

右爲末取一撮許酒調服之愈

茅根酒

妊娠胎動欲落腹中痛不可忍

上等銀

茅根

二斤去
黑皮

以水九升煮銀取五升入清酒乙升同煎茅根取
三升分三服立安

千金方

療妊娠腹中痛

生地黃

二斤

取汁酒乙升合煎減半頓服愈

小腹痛類

妊娠小腹痛者由胞絡虛風寒相搏痛甚亦令胎動也

七仙飲

妊娠被驚惱胎向下不安小腹痛連腰下

血

當歸

川芎

各八分

阿膠

炙

人參

艾葉

各四分

大棗

二十枚

茯苓

十分

右水四升煮取二升溫分三服

又方 川芎爲細末酒調下

腰腹及背痛類

腎主腰足因勞傷損動其經虛則風冷乘之則腰
痛冷氣乘虛入腹則腹痛故令腰腹相引而痛其
痛不止多動胎氣婦人腎以繫胞妊娠而腰痛甚
者則胎墮也

通氣散 治妊娠腰痛狀不可忍此藥神効

破故帛

不拘多少

瓦上炒香熟爲末嚼胡桃肉乙

個空心溫酒下三錢

五加皮散

妊娠腰痛不可忍或連髀痛先服此藥

杜仲

炒四兩

五加皮

阿膠

炙

防風

川芎

金毛狗脊

白芍藥

細辛

草薢

各三兩

杏仁

八十枚去皮尖其炒

右水九升煮取二升去滓下膠作三服

五加皮丸

症同前先服前散後服此丸

續斷

炒

杜仲

各貳兩半

芎藭

獨活

各三兩

五加皮

狗脊

草薢

芍藥

訶子肉

各四兩

右爲末煉蜜丸如梧子大空心酒下四十丸
紫酒 治妊娠腰痛如折

大黑豆二合 炒令香熟以酒一大盞煮取七分

去豆空心頓服

班龍散 妊娠腰背痛不得番覆

鹿角

長六寸燒令赤酒中淬再燒再淬以角碎爲度

取所淬酒飲之

一方鹿角爲末酒服亦可

菖蒲飲 卒腰痛不安或腰痛胎轉搶心下血

用菖蒲汁酒乙升服之

又方用艾葉乙把如鷄子大以酒四升煮二升
分爲二服良

立安飲 療觸動胎以致腰背痛

杜仲 五加皮 當歸 芍藥 川芎

草薢 各等分

右水七升煮取乙升半分溫三服

心腹脹滿類

夫妊娠心腹脹滿者由腹內素有寒氣致令停飲
吐娠重因觸冷發動與氣相平故令心腹脹滿

倉公下氣湯 妊娠心腹脹滿兩脇妨悶不下飲食

羌活 赤芍 甘草 檳榔 青皮 大腹皮

陳皮 赤茯苓 半夏 桑白皮

桂心 各半兩 紫蘇莖 二兩

每服三錢水一盞姜五片棗一枚煎七分服

枳殼湯 治婦人妊娠腹脹

枳壳 三兩 黃芩 一兩

爲粗末每服五錢水盞半煎溫服

又方 妊娠心下滿氣急切痛

赤茯苓 六分

葉白皮 五分

前胡 四分

郁李仁

檳榔 各三分

右爲細末水一升煮取一半去滓夜臥服

胎水滿類

夫妊娠腫滿由臟氣本弱因產重虛土不尅水血散入四肢遂致腹脹手足面目皆浮腫小便秘澀又或遍身腫滿心腹急脹名曰胎水

天仙藤散

天仙藤 洗畧炒

香附子 炒

陳皮 甘草

烏藥

右等分爲細末每末三錢水大盞姜三片木瓜三片柴胡三葉同煎至七分放溫澄清空心食前服日三小便通氣脉順體輕腫漸消不須服

崔氏方 療妊娠體腫有水氣心腹急滿

茯苓

白朮

各四兩

旋覆花

二兩

杏仁

黃芩

各三兩

右細切水七升煮二升半分溫三服忌桃李雀肉酢物

葶藶子散

療妊娠遍身洪腫

葶藶子

一兩

白朮

五兩

茯苓

桑白皮

郁李仁

各二兩

右爲粗末水六升煮二升分三服小便利卽瘥

又方

澤瀉

葶藶子

各二兩

茯苓

枳壳

白朮

各六兩

右細切水六升煮取二升半分溫二服小便利卽

瘥

防已湯

治妊娠脾虛遍身浮腫心腹脹滿喘促小

便不利

防已

半錢

桑白皮

赤茯苓

紫蘇葉

各二錢

木香

半錢

右一服水二鍾生姜五片煎一鍾食前服

千金鯉魚湯

妊娠腹大胎有水氣

白朮

五兩

白芍藥

三兩

當歸

三兩

白茯苓

四兩

右剉細用鯉魚一個不拘大小破洗鱗腹白水煮

熟取汁去魚不用每服四錢入魚汁盞半姜七片

橘皮少許同煎七分空心服以胎水去盡爲度

一方加人參澤瀉

又方 妊娠遍身浮腫

山梔子炒一合米飲調服

腎著湯 治妊娠腰腳腫

茯苓

白朮

各四兩

乾姜

甘草

杏仁

三兩

右每服四錢水一盞半煎至七分食前服

五皮散 治胎水尋常脾虛腫滿

大腹皮

桑白皮

生姜皮

茯苓皮

橘皮

右等分每服半兩水二盞半入木香水一呷同煎

至八分去滓空心溫服

全生白朮散 妊娠面目虛浮如水腫狀

白朮一兩 生姜皮 大腹皮 陳皮

茯苓皮 各半兩

右爲細末每服二錢米飲調下

傷食類

經云飲食自倍脾胃乃傷又云陰之所生本在五
味陰之五宮傷在五味若妊娠飲食不節生冷毒
物恣性食噉致傷脾胃故妊娠傷食最難得藥唯

此二方最為穩捷

木香丸 治婦人有孕傷食

木香 二錢 人參 三稜 白茯苓 各三錢

右為細末麵糊丸如菉豆大熱水吞三四十丸

白朮散 治妊娠氣不調和飲食易傷

白朮 炒 紫蘇 各一兩 人參 白芷 炒各七錢半

川芎 訶子皮 青皮 各半兩

甘草 二錢五分

右為末每服二錢水一盞姜三片煎七分溫服

積聚類

黃帝問曰婦人重身毒之何如岐伯曰有故無殞亦無殞也帝曰願聞其故何謂也岐伯曰大積大聚其可犯也衰其大半而止過者死

驅積丸 血塊如盤有孕難服峻劑此方主之

香附子

醋煮四兩

桃仁

去皮尖一兩

海粉

醋煮二兩

白朮

一兩

右爲末麵糊丸服

傷寒類

熱病防損胎非時之氣傷損妊娠熱毒之氣侵損
胞胎遂有胎墜漏血俱害子母之命

柴葛散 妊娠傷寒百節痛壯熱不急治卽胎落

柴胡 乾葛 知母 石膏 各六錢 大青 八錢

梔子 一兩 升麻 八錢 葱白 切半

右水七盞煎至三盞分三四服服之

芪朮散 傷寒安胎

黃芪 白朮 等分新瓦上炒令香

右爲末三錢水一盞姜三片棗一枚煎七分服

葱姜飲 傷寒憎寒壯熱當發其汗

葱白

三兩

姜

一兩 切片

右每服三錢水一盞半煎八分熱服出汗

卷荷散 傷寒大熱悶亂燥渴恐傷胎

嫩卷荷葉

焙乾 一兩

蚌粉

半兩雪白 極細者

右爲末二錢蜜少許同新汲水調下食前服多合

塗腹上亦妙

浮萍散 時氣熱病護胎法

乾浮萍草

朴硝

大黃

炒

蛤粉

炒

藍根

右爲末二錢貼臍上安胎解燥熱和臟腑

又方

井中泥塗心下乾則易之又取竈中心紅土爲末
水調塗臍下二寸濶五寸乾復塗之

救急散 妊娠傷寒熱不止發斑或赤黑小便如血
命欲絕胎欲落

梔子仁 升麻 大青 生地黃 石膏

葱白 黃芩

右白水煎忌熱物

二胡散 妊娠傷寒

柴胡

前胡

當歸

人參

生地黃

芍藥

甘草

右姜三片煎服要汗加葱白

妊娠傷寒傷風母輕服藥發熱頭痛惡風身熱用芎
芷香蘇散

妊娠熱痛六七日極者傷胎兒死身冷不能自出須
用暖胎藥服黑神散溫酒調暖胎自出評此不若
催生湯

催生湯

蒼朮

二兩

桔梗

二兩

橘紅

六錢

白芷

桂心

去皮

炙粉草

各二兩

當歸

酒洗

乾姜

炮

厚朴

芍藥

半夏

洗

川芎

炒各四兩

南木香

杏仁

炒一錢

右每服三錢水盞半姜朮煎半盞服

咳嗽類

夫肺內主氣外司皮毛皮毛不密寒邪乘之則咳嗽秋則肺受之冬則腎受之春則肝受之夏則心

受之其嗽不已則傳於腑妊娠患此不已則傷胎
款冬花散 妊娠心膈痰毒壅滯肺氣不順咳嗽頭
痛

款冬花 麻黃 貝母煨 前胡 桑白皮

紫苑各半 旋覆花 白朮 甘草各二錢半

石膏一兩

右咬咀每服四錢水一盞姜三片煎七分溫服

紫苑湯 治妊娠咳嗽不止胎不安

紫苑一兩 桔梗半兩 甘草 杏仁 桑白皮各二錢半

天門冬一兩

右咬咀每服三錢竹茹一團水煎去滓入蜜半匙

再煎一兩沸溫服

百合散 治妊娠風壅咳嗽痰多喘滿

百合蒸 紫苑草洗 白芍藥 赤茯苓去皮

桔梗炒 前胡各去芦 貝母去心各錢半 甘草五分

右水二鍾姜五片煎至一鍾不拘時服

馬兜鈴散 妊娠胎氣壅滯咳嗽喘急

馬兜鈴 桔梗 人參 甘草 貝母各半

本板錯認紙
標次弟回今
標記一二正之

噤者拗口嚙之得汗卽愈

又方 治妊娠因感外風如中風狀不省人事

熟艾三

陳米醋炒令極熱以絹帛裹熨臍下良久卽省

子癰類

妊娠體虛受風而傷太陽之經絡後復遇風寒相搏發則口噤背強名之曰瘖又云瘖其候口閉不識人須臾自醒良久復作謂之風瘖一名子癰亦名子冒甚則反張

羚羊角散 治妊娠胃悶角弓反張名曰子癇風痙

羚羊角 鎊 獨活 酸棗仁 炒 五加皮

薏苡仁 炒 防風 當歸 酒浸 川芎

茯苓 杏仁 去皮尖 木香 牛草 炙各分

右姜水煎服

羌活酒 治妊娠中風痙口噤四肢強直角弓反張

羌活 兩 防風 兩 黑豆 一合炒

右二味咬咀好酒五斤浸一宿每服用黑豆一合

炒令熟投入藥酒一大盞候沸即住去滓分兩服

灌之

○
瘰癧類

瘰者筋脉急而縮也癧者筋脉緩而伸也一縮一伸手足相引搐搦不已大抵與嬰孩發搐相似謂之瘰癧也此證屬風風主搖動心火肝木風熱熾而爲瘰癧也

鈎藤湯

鈎藤鈎

當歸

茯神

人參

各一兩

棗寄生

半兩

苦梗

一兩半

右為粗末每服五大錢水二盞煎至一盞去滓溫服無時忌豬肉菰菜若煩熱加石膏二兩半臨產月加桂心二兩

眩暈類

清風散 治妊娠肝臟熱毒上攻太陽穴胞膈涎壅頭旋目暈或腮項腫核

石膏

煨

防風

羌活

甘菊花

川芎

羚羊角

鎔

當歸

酒浸

大豆黃卷

炒

荆芥穗

白芷

各一錢

炙甘草

五分

賊害萬物入體虛則中之若風邪客於皮膚入於經絡卽頑痺不仁若入於筋脉挾寒則攣急喎僻抄溫容脉馳縱若入臟腑則恍惚驚悸凡五臟俞皆在背臟腑虛寒邪皆從俞而入隨所傷臟腑經絡而爲諸病妊娠中風若不早治則令墮胎也

防風散 治妊娠中風卒倒心神悶亂口噤不能言

四肢急強

防風

葛根

桑寄生

各一兩

羚羊角屑

細辛

當歸

甘菊花

漢防已

秦艽

桂心 茯神

甘草

炙各半兩

右咬咀每服八錢水一鍾半生姜五片煎至一大

鍾去滓入竹瀝半合攪勻溫服無時

防已散 治妊娠中風口眼喎斜手足頑痺

防已

羌活

防風

麻黃

去管

黃松木節

羚羊角屑

各一兩

桂心

荆芥穗

薏以仁

桑寄生

甘草

炙各半兩

右咬咀每服五錢水一鍾半生姜五片煎至一大

鍾去滓溫服

白殭蚕散 治妊娠中風口噤心膈痰涎壅滯言語不得四肢強直

白殭蚕炒 天麻 獨活各一兩 麻黃去節半兩

烏犀角屑七錢半 白附子炮 半夏湯洗七次姜製

天南星炮 藿香各半兩 龍腦二錢半研

右為細末入研藥令勻每服一錢生姜薄荷湯調下日三服

赤箭丸 治妊娠中風手足不隨筋脉緩急言語蹇澀皮膚不仁

赤箭 草薺

酒浸

麻黃

去節

獨活

鼠粘子

熱地黃

羚羊角屑

酒洗

阿膠

炒

防風

川芎

當歸

炒

薏以仁

五加皮

秦艽

漢防已

去皮

栝子仁

酸棗仁

炒

丹參

去粗皮 錢半

右爲細末煉蜜和搗三五百下丸如梧子大每服

三十丸豆淋酒送下食前服

白朮酒

治妊娠中風口禁語言不得

白朮

一兩半

獨活

一兩

黑豆

一合炒

剉以酒三升煎取一升半去滓溫分四服下

陳皮去白

大腹子

桑白皮

紫蘇各一兩

五味子

二錢半

右咬咀每服四錢姜三片水煎服

麻黃散

治妊娠外傷風冷痰逆咳嗽不食

麻黃

去節

陳皮

去白

前胡

各一兩

半夏

湯泡炒

人參

白朮

枳殼

炒

貝母

甘草

各半兩

右咬咀每服四錢葱白五寸姜三片棗一枚水煎

服

苦梗散

治妊娠肺壅咳嗽喘急

桔梗 紫蘇 人參 桑白皮 貝母

耳草 各半兩 天門冬 去心 赤茯苓 各一兩

麻黃 七錢半

每服四錢水二鍾生姜三片煎一鍾服

又方 貝母 去心并皮炒黃 為末砂糖拌勻凡如芡實大餅

服一丸嚥化

二冬飲 嗽而痰中見紅

歸身 熟地黃 天門冬 麥門冬 紫苑

桑皮 杏仁 耳草 桔梗 黃芩

五味子 阿膠炒

右水煎入小蘇汁同服有痰加竹茹一捻

○中惡類

夫妊娠忽然心腹刺痛悶絕欲死者謂之中惡邪惡之氣中胎傷於人也所以然者血氣養勝而爲精神之主若血氣不和則精神衰弱故邪毒之氣得以中之妊娠之病亦致損胎也

當歸散 治妊娠中惡心腹疼痛

當歸

丁香

川芎

各三兩

青橘皮

二兩

吳茱萸

半兩去梗湯泡三次炒黑

右爲細末溫酒調一錢不拘時服

補遺方 治妊娠中惡心腹絞急切痛如鬼擊之不

可按摩或吐血或衄血者用熟艾如拳大煮汁頻

服

又方 用鹽一盞水二盞調和服以冷水喫之吐出

卽安

中風類

夫四時八方之氣爲風也不從其令來者爲虛邪

右作一服水二鍾好芽茶半錢煎至一鍾食遠服

犀角散 治妊娠諸風熱困倦時發昏眩

犀角 人參 山梔仁 羌活 黃連 青黛

川芎 吳白芷 茯苓 甘草 各一錢 炙

右作一服水二鍾生姜三片竹葉七葉煎至一鍾

食遠服

驚悸類

大聖散 治妊娠怔忡墮裏多驚腹脇膨脹坐卧不

寧

白茯苓 麥門冬 黃芪蜜炙 當歸酒洗

川芎各一錢半 木香 人參 炙甘草各一錢

右作一服水二鍾生姜五片煎至一鍾服

竹葉湯 治妊娠心驚胆怯終日煩悶

白茯苓三錢 防風 麥門冬去心 黃芩各二錢

右作一服水二鍾竹葉五片煎至一鍾服

竹茹湯 療妊娠煩躁或胎不安

用淡青竹刮茹一兩以水三大升煮取四合徐徐

服安為度

九

自是以

下咽正

麥門冬湯 治妊娠心驚胆怯煩悶

麥門冬 白茯苓 防風各三錢 人參一錢半

右作一服水二鍾生姜五片淡竹葉十片煎至一

鍾去滓服

柴胡散 治妊娠心煩頭目昏重心胃煩悶不思飲

食

柴胡兩半 赤茯苓 麥門冬各一兩 枇杷葉去毛

人參 橘皮 甘草各半兩

咬咀每服四錢水一盞姜三片煎七分服

一母散 治妊娠服藥致胎動氣不安有似虛煩不

得卧

知母

二兩
洗焙

右爲細末以棗肉爲丸如彈子大每服一丸煎人
參湯送下

霍亂類

飲食過度觸冒風冷陰陽不和清濁相干謂之霍
亂其間或先吐或腹痛吐利是因於熱也若頭痛
体疼發熱是挾風邪也若風折皮膚則氣不宜通

而風熱上衝爲頭痛風入腸胃則洩利嘔吐甚則手足逆冷此陽氣暴竭謂之四逆妊娠患之多致傷胎也

人參散 治妊娠霍亂吐瀉心煩腹痛

人參 厚朴

姜製

橘紅

各二錢

當歸

炒

乾姜

甘草

炙各一錢

作一服水二鍾姜三片紅棗三枚煎至一鍾服

益智仁散 治妊娠霍亂腹痛吐利不止

白木

炒

益智仁

枳殼

炒

橘紅

各七錢半

草薢薢

皮煨去

良姜

炒各半兩

右爲散每服三錢水煎入姜半分去滓溫服

木瓜煎 治妊娠霍亂吐瀉轉筋入腹則悶絕

吳茱萸

湯泡七次

生姜

切各七錢半

木瓜

切一兩半

一方有懷香

七錢半

甘草

一錢

茱萸

半兩

加紫蘇煎

右細剉水二盞煎一盞二分去滓分三服熱服

縮脾飲 解伏熱除煩渴消暑毒止吐利霍亂之後

服熱藥太多致煩躁宜沉井水中候冷頻服

草果仁

烏梅肉

各三兩

甘草

二兩半

右咬咀每半兩水一碗姜十片煎八分沉冷服前方用乾姜豆蔻茱萸俱大溫之劑若發熱煩渴脈數陽証服之卽施宜用後方

竹茹湯

治胃熱嘔吐

乾姜

三兩

半夏

湯洗七次姜汁半盞漿水一升煮耗一半取茱萸錢半

甘草

七錢半

右咬咀每服五錢水二鍾姜三片竹茹鷄蛋大束一枚煎至一盞去滓溫服

益元散 治症同前

瘧疾類

妊娠病瘧乃夏傷於暑客於皮膚至秋而發陽盛則熱陰盛則寒陰陽相雜寒熱俱作妊娠而作多傷於胎

驅邪散 治妊娠停食感冷發為瘧疾

白朮 草果仁 高良薑炒 硝砂仁 檳榔

白茯苓各一兩 藿香葉一兩 炙甘草五分

右作一服水二鍾姜五片束一枚煎一鍾服

七寶散

治一切瘧疾或先寒後熱或先熱後寒或寒多熱少或熱多寒少或一日一發或一日兩三發或連日發或間日發不問鬼瘧食瘧似瘧者並皆治之

常山

厚朴

姜製

青皮

陳皮

甘草

嶺南

草果

去皮各等分

咬咀每服半兩於未發隔夜用水酒各一盞煎一

大盞去滓露一宿再用酒水煎滓一次去滓亦露

一宿來日當發之早盪溫面東先服頭藥少頃再

服藥澤大有神効 世醫妊娠瘡疾不用常山等藥故岐伯曰有故無殞何疑攻治

痢疾類

妊娠痢乃肝木尅脾土宜平肝補脾若黃而兼白乃子令母虛須補脾胃若黃而兼黑是水反侮土矣必溫補脾胃若黃而兼赤乃心母益子但補子益氣若腸胃虛弱風邪客之或胎氣不安急補脾胃而白安矣

黃連湯 治妊娠下痢赤白膿血不止

黃連二兩

厚朴姜製

阿膠炙

當歸

乾姜各

半

艾葉

黃柏各一兩

右爲細末空心米飲調下方寸七日二

當歸芍藥散

治妊娠下痢腹痛

見前心腹痛

立効飲 治婦人胎前產後赤白痢

生姜

年少者百錢老者二百錢取自然汁

鴨子

一枚

右將鴨子打破傾入姜汁內攪勻煎八分入蒲黃

三錢再煎五七沸空心熱服立効

丹鳳散 妊娠下痢赤白絞刺疼痛

雞子

一枚烏雞者佳破孔預出清苗黃用

黃丹

一錢入雞子壳內同黃攪勻以

厚紙糊牢鹽泥固濟火上煨焙乾為細末

右每服二錢米飲調下一服愈者是男二服愈者是女

又方 妊娠下痢腹痛小便澀

當歸

黃芪

各一兩

糯米

一合

右細切和水煎分四服

挾熱方 妊娠下痢

黃連

黃柏

各一兩

山梔仁

二十枚

右咬咀每服五錢水二盞浸二時久煮十餘沸頓

服若嘔加陳皮半兩

生姜三兩

挽寒方 妊娠白膿痢腹中冷

乾姜

四兩

赤石脂

六兩

粳米

一升炒黃

右用水七升煎取二升溫分三服

厚朴散 治妊娠下痢黃水不絕

厚朴

姜炙三兩

黃連

三兩

肉豆蔻

一枚連皮用

右為粗末水煮頓服

水煮木香丸 治久痢裏急後重日夜無度其効如

神

鶯粟殼

去穢
三兩

青皮

去
白

甘草

炒各二
兩四錢

訶子

炮去核
八兩

當歸

木香

各六
兩

右爲末煉蜜丸彈子大每服一丸水煎化空心服

治臨產痢疾方

用梔子燒灰末之空心熱水調下一匙甚者不過

五服

又方治胎前產後痢疾

龜板一箇醋炙末之米飲調下

龍麝二卷終